



FOTO: © MERRY HUBITI

TRANSPAROMETRI KOMUNAL

PRIZREN, SUHAREKË, RAHOVEC,
MALISHEVË, DRAGASH, MAMUSHË
JANAR – QERSHOR 2016

GUSHT 2016, PRIZREN



TRANSPAROMETRI KOMUNAL

PRIZREN, SUHAREKË, RAHOVEC,
MALISHEVË, DRAGASH, MAMUSHË
JANAR – QERSHOR 2016

GUSHT 2016, PRIZREN

COPYRIGHT © 2016. Kosova Democratic Institute (KDI).

Instituti Demokratik i Kosovës i ka të gjitha të drejtat të rezervuara dhe asnjë pjesë e këtij botimi nuk lejohet të riprodhohet ose të transmetohen në çfarëdo forme, mekanike apo elektronike, përfshirë fotokopjimin ose çdo sistem tjetër të ruajtjes dhe nxjerrjes së materialeve, pa lejen me shkrim të botuesit. Publikimi mund të riprodhohet ose të transmetohet vetëm nëse përdoret për qëllime jo-komerciale. Kurdo dhe kushdo që përdor citate a materiale të ndryshme të këtij botimi, është i obliguar ta bëjë të qartë burimin nga do t'i ketë marrë ato citate ose materialeve që përdoren.

Për çdo vlerësim, vërejtje, kritikë apo sugjerim, luteni të na kontaktoni përmes mundësive të ofruara më poshtë:

Adresa: Rr. Bajram Kelmendi, Nr. 45,
10000, Prishtinë, Kosovë.

Tel.: +381 (0)38 248 038

E-mail: info@kdi-kosova.org

Web: www.kdi-kosova.org

Foto e ballinës: ©Meddy Huduti

Publikimi i këtij raporti është bërë i mundur me përkrahjen e The Olof Palme Center. Opinionet, të gjeturat dhe rekomandimet e shprehura në këtë raport janë përgjegjësi e KDI-së dhe jo domosdoshmërisht paraqesin qëndrimet e donatorit.

PËRMBAJTJA

HYRJA	6
METODOLOGJIA.....	7
RËNDËSIA DHE VLERËSIMI I INDIKATORËVE.....	7
PËRZGJEDHJA E KOMUNAVE.....	7
RENDITJA E KOMUNAVE	8
TRANSPARENCA NË KOMUNË	11
TRANSPARENCA NË RAHOVEC	12
TRANSPARENCA NË MALISHEVË	14
TRANSPARENCA NË PRIZREN.....	16
TRANSPARENCA NË SUHAREKË	18
TRANSPARENCA NË DRAGASH.....	20
TRANSPARENCA NË MAMUSHË.....	22
REKOMANDIMET	24
KOMUNA E SUHAREKËS	24
KOMUNA E PRIZRENIT	24
KOMUNA E RAHOVECIT	24
KOMUNA E MALISHEVËS.....	25
KOMUNA E DRAGASHIT.....	25
KOMUNA E MAMUSHËS	26
ANEKSET, INDIKATORËT DHE KOMENTET	27

METODOLOGJIA

Vlerësimi i Transparimetrit ndjek një metodologji të matjes së indikatorëve në mënyrë objektive përgjatë katër shtyllave themelore të qeverisjes lokale. Ky indeks përbëhet nga 44 indikatorë dhe matë transparencën në *Zyrën e Kryetarit/es, Kuvendin e Komunës, Financat Komunale* dhe transparencën në *Konsultime me Publikun* (secila nga katër shtyllat përmban nga 11 indikatorë).

Indikatorët janë përzgjedhur me kujdes duke u bazuar në përgjegjësitë dhe kompetencat nën qeverisjen lokale që përcaktohen me ligjet në fuqi. Indikatorët prekin përgjegjësitë bazike të qeverive lokale, aty ku transparencën duhet të jetë e garantuar, dhe nuk shkon në thellësi të matë transparencën edhe në disa sektorë specifik që janë nën kompetencën e komunës si transparencën në shëndetësi, arsim apo planifikim urban.

RËNDËSIA DHE VLERËSIMI I INDIKATORËVE

Rëndësia dhe pesha e indikatorëve është përcaktuar varësisht nga ndikimi që mund të ketë në kontekstin e transparencës së institucioneve komunale.

Kjo rëndësi e indikatorëve është shprehur në numra dhe varion nga 1 deri në 3 (shikoni *Aneksin 1* për indikatorët dhe peshën e tyre). Për secilën nga katër shtyllat, pesha maksimale e 11 indikatorëve së bashku është 35.

Ndërsa vlerësimi i secilit indikatorë është bërë me notën 0 deri në 3 (0 është dhënë aty ku komuna s'ka qenë fare transparente, 3 është dhënë në ata indikatorë ku komunat kanë qenë plotësisht transparente, ndërsa 1 dhe 2 janë dhënë për ata indikatorë ku komuna ka qenë pjesërisht transparente). Nota vlerësuese (0-3) është përpjesëtuar me peshën indikatorit dhe është nxjerrë një vlerësimi i atij indikatorit. Shuma e notave vlerësuese të 11 indikatorëve ka dhënë dhe notën e përgjithshme për komunën në atë shtyllë (Zyre të Kryetarit/es, Kuvend Komunal etj).

PËRZGJEDHJA E KOMUNAVE

Instituti Demokratik i Kosovës (KDI) në kuadër të programit të qeverisjes lokale implementon projektin *"Empowered citizens for Institutions that deliver"* projekt ky i cili mbështet nga Olof Palme International Center (OPIC). Projekti i tillë ka për synim monitorimin dhe vlerësimin e Kuvendeve të Komunave të regjionit të Prizrenit me qëllim të ndikimit në rritjen e transparencës dhe llogaridhënies nga institucionet vetëqeverisëse lokale.

Një nga qëllimet e "Transparimetrit" është edhe nxitja e konkurrencës për performancë më të mirë në transparencë. Andaj, në vlerësimin e indeksit që do të shpaloset më poshtë janë të përfshira gjashtë (6) komunat e regjionit të Prizrenit (Prizren, Suharekë, Rahovec, Malishevë, Dragash dhe Mamushë).

RENDITJA EKOMUNAVE

Në përgjithësi transparenca në komuna (këto të përfshira në studim) ka lënë për tu dëshiruar, duke përfshirë këtu disa nga komunat me kryetarë të rinj. Nga 44 indikatorët matës që përbëjnë këtë indeks, kryesisht në katër fusha thelbësore të qeverisjes lokale, asnjë komunë nuk del të jetë 100% transparente. Kjo tregon që edhe komunat me performancën më të mirë në qeverisje kanë ende punë për të bërë që të jenë plotësisht transparente, së paku në këto çështje thelbësore të qeverisjes që ky indeks i adreson.

Disa pengesa tek transparenca komunale shkaktohen nga Ministria për Administratë Publike për shkak se ajo është përgjegjëse për platformën dhe menaxhimin e ueb-faqeve të komunave, gjë që kufizon komunat në përpjekje për të bërë dokumente dhe informata lehtë të qasshme për qytetarët e saj. Ueb-faqet e komunave janë të centralizuara dhe nuk lejojnë hapësirë për modernizim dhe përshtatje të ueb-faqeve për qytetarët nga komunat e tyre përkatëse. Duke pasur parasysh përdorimin e internetit në kohët e sotme, ueb-faqet janë tejet të rëndësishme për institucionet publike të bëjnë informatat dhe dokumentet lehtë të qasshme për publikun.

Përgjegjësia më e madhe për hapje të komunës ndaj qytetarëve i mbetet udhëheqësve lokal dhe administratës lokale. Shpërndarja e informatës për planet, planifikimet

buxhetore dhe planifikimet e projekteve mbeten sfida që duhet të adresohen dhe praktikohen nga vetë udhëheqësit komunal. Gjatë punës tone, shumë herë kemi has në mos gatishmëri për të ndarë informatën, herë për shkak të mos vullnetit, herë për shkak të frikës se zyrtarëve të administratës për të ndarë një informatë publike pa dijen e udhëheqësve politik të komunave.

MAPL gjithashtu mund të bëjë shumë më shumë që rregulloret që i lëshon të zbatohen në nivel komunal. Kjo ministri shpesh anashkalon mbikëqyrjen e zbatimit të rregulloreve për komuna. Kurse Asociacion i Komunave mund të bëjmë më shumë në koordinimin e komunave që të adresojnë sfidat me të cilat komunat përballen për të qenë më të hapur ndaj publikut dhe më të qasshëm nga publiku dhe si të ngriten kapacitetet për të qenë më transparent.




Nga 44 indikatorët matës të transparencës që përbëjnë këtë Transparometër (shih metodologjinë për përzgjedhje e indikatorëve dhe *Aneksin 1* për indikatorët dhe peshën e tyre në vlerësim) del se disa ngecje në qeverisje komunat i kanë të përbashkëta dhe kurse disa ngecje që qëndrojnë tek një komunë nuk qëndrojnë tek disa të tjera. Të gjeturat e këtij indeksi tregojnë që performanca në transparencë e komunave dallon dhe përderisa disa komuna janë në rrugë të mirë për të arritur transparencë totale në çështje bazike, disa komuna janë hermetikisht të mbyllura ndaj publikut.

SHTYLLA	PIKË TË MUNDSHME	VLERËSIMI PËR KOMUNË					
		Prizren	Suharekë	Rahovec	Malishevë	Dragash	Mamushë
Ekzekutivi	35.0	17.7	12.7	25.3	20.3	14.3	5.0
Kuvend	35.0	23.0	18.3	28.7	24.0	18.3	12.0
Financa	35.0	25.0	27.7	27.3	21.0	26.0	8.0
Konsultime me publikun	35.0	17.7	20.0	17.6	21.3	17.0	7.3
Pikë/Komunë	140	83.4	78.7	98.9	86.6	75.6	32.3
Mesatarja e Pikëve	35	20.9	19.7	24.7	21.7	18.9	8.1
Niveli i Transparencës		59.6 %	56.2 %	70.7 %	61.9 %	54.0 %	23.1 %

Në bazë të gjeturave të këtij indeksi me 44 indikatorë në katër fushat bazike të qeverisjes lokale, të matur për periudhën gjashtë mujore (janar-qershor 2016) del se Komuna e Rahovecit ka qenë komuna me transparente nga gjatë komunat e matura me 70.7 % transparente. Pastaj

radhiten Komuna e Malishevës (61.9 % transparente), Komuna e Prizrenit (59.6 % transparente), Komuna e Suharekës (56.2 % transparente), Komuna e Dragashit (54.0 % transparente) dhe Komuna e Mamushës me (23.1% transparente).

✓ NIVELI I TRANSPARENCËS KOMUNALE





Radhitja e komunave për nga performanca më e mirë në **Transparimetrin e Zyrës së Kryetarit/es**, nga 35 pikët e mundshme, del të jetë Komuna e Rahovecit (25.3 pikë), Komuna e Malishevës (20.3 pikë), Komuna e Prizrenit (17.7 pikë), Komuna e Dragashit (14.3 pikë), Komuna e Suharekës (12.7 pikë) dhe Komuna e Mamushës (5.0 pikë).

Radhitja e komunave për nga performanca më e mirë në **Transparimetrin e Kuvendit të Komunës**, nga 35 pikët e mundshme, del të jetë Komuna e Rahovecit (28.7 pikë), Komuna e Malishevës (me 24.0 pikë), Komuna e Prizrenit (me 23.0 pikë), Komuna e Suharekës dhe Dragashit me nga (18.3 pikë) dhe më së paku transparente del të jetë Komuna e Mamushës (12.0 pikë).

Radhitja e komunave për nga performanca më e mirë në **Transparimetrin e Financave Komunale**, nga 35 pikët e mundshme, del të jetë Komuna e Suharekës (27.7 pikë), Komuna e Rahovecit (27.3 pikë), Komuna e Dragashit (26.0 pikë), Komuna e Prizrenit (25.0 pikë), Komuna e Malishevës (21.0 pikë) dhe Komuna e Mamushës (8.0 pike).

Radhitja e komunave për nga performanca më e mirë në **Transparimetrin e Konsultimeve me Publikun**, nga 35 pikët e mundshme, del të jetë Komuna Malishevës (me 21.3 pikë), Komuna e Suharekës (me 20.0 pikë), Komuna e Prizrenit (17.7 pikë), Komuna e Dragashit (17.0 pikë), Komuna e Rahovecit (17.6 pikë) dhe Komuna e Mamushës (me 7.3 pikë).




TRANSPARENCA NË KOMUNË



TRANSPARENCA NË

RAHOVEC (PDK)



Komuna e Rahovecit del të jetë komuna e parë më transparente në kuadër të komunave të regjionit të Prizrenit me 70.7 % të nivelit të përgjigjëm bazuar në 44 indikatorë.



“Transparenca e Kuvendit të Komunës”. Kuvendi i Komunës së Rahovecit del të jetë më transparente në krahasim me komunat tjera të regjionit të Prizrenit me 28.7 pikë nga 35 sa edhe është maksimumi i pikëve. Në këtë shtyllë, Komuna e Rahovecit qëndron mirë në *“seancat e hapura për publikun”*, *“qasja në rendin e ditës”*, *“qasja në draft rregullore dhe plane”* *“qasje në rregulloret dhe vendimet”*. *“mbajtjen e seancave të rregullta”*, *“plani i punës së Kuvendit për vitin 2016”*, *si dhe publikimi i “planit për transparencë për vitin 2016”*.

Relativisht mirë qëndron në këta indikatorë *“qasja në procesverbalet e mbledhjeve të Kuvendit të Komunës”*, *“detajet biografike dhe kontaktet me anëtarë të Kuvendit të Komunës”*, *“Komitetet e hapura për publikun”*. Negativisht gjatë kësaj periudhe Kuvendi i Komunës së Rahovecit ka qëndruar në pamundësinë e transmetimit direkt të seancave të kuvendit të Komunës.

Kuvendi i Komunës së Rahovecit duhet të shtojë përpjekjet për transparencë më të madhe të punës së Komiteteve dhe Komisioneve si trupa ndihmës së këtij institucioni. Gjatë kësaj periudhe, Kuvendi i Komunës së Rahovecit nuk ka bërë sa duhet në njoftimet për mbajtjen e mbledhjeve të

Komiteteve sidomos të mbledhjes së Komisioneve të formuara nga ana e Kuvendit.

Kuvendi i Komunës së Rahovecit gjatë kësaj periudhe nuk ka rritur nivelin e transparencës së Kuvendit përmes transmetimit direkt të mbledhjeve të këtij institucioni. Ky institucion duhet të shikojë mundësit reale për të transmetuar seancat e mbledhjeve në ndonjë medium lokal që do të ndikonte në rritjen e transparencës së punës dhe rritjen e nivelit të përgjegjësisë së anëtarëve karshi qytetarëve.



“Transparenca e Ekzekutivit”. Nga 35 sa edhe është maksimumi i pikëve, me 25.3 pikë është vlerësuar transparencja e ekzekutivit të Komunës së Rahovecit dhe në raport me transparencën e Kuvendit të Komunës qëndron më dobët. Ekzekutivi i komunës është vlerësuar në këtë mënyrë pasi që nuk ka publikuar *“planin e punës së Kryetarit për vitin 2016”* si dhe *“Kryetari i Komunës nuk ka raportuar për punën e tij gjashtë mujore në Kuvendin e Komunës”*.

Kryetari i Komunës së Rahovecit duhet të publikojë në ueb faqen zyrtarë të Komunës Planin e Punës për vitin 2016 si dhe të ketë gatishmërinë e raportimit në baza gjashtë mujore për punën e ekzekutivit të komunës. Njëkohësisht, Kuvendi i Komunës së Rahovecit duhet të shtojë përpjekjet për mbikëqyrjen dhe kërkesë në raport me



|||||

ekzekutivin e komunës për raportime periodike në baza gjashtë mujore.

Megjithatë, Kryetari i Komunës së Rahovecit ka publikuar raportin gjashtë mujor të punës në ueb faqen zyrtare të komunës duke u bërë Kryetari i vetëm i komunave të regjionit të Prizrenit që ka praktikuar deri më tani publikimin e raportit gjashtëmujor të punës në ueb faqen e komunës, i përmbledhur në një raport të vetëm, për gjithë dikasteret e komunës.

Ekzekutivi i Komunës së Rahovecit ka marrë notë maksimale edhe në indikatorin e kthimit të përgjigjeve sipas legjislacionit aktual duke respektuar afatet e caktuara. Një nga vlerësimet tjera maksimale për transparencën e punës së Kryetarit të Komunës së Rahovecit mbetet edhe jetësimi i vizitës javore për qytetarët e kësaj komune si dhe pale tjera të interesit. Kryetari i Komunës së Rahovecit që nga muaj shkurt 2016 ka marrë vendim që dita e Hënë nga ora 13-15 të jetë ditë për takime me qytetarë.

Dy nga indikatorët tjerë të vlerësuar në këtë periudhë për ekzekutivin e komunës mbeten kriteret për konkurset publike dhe publikimi i tyre si dhe publikimi i vendimeve të Kryetarit të Komunës në baza të rregullta. Ajo çka vlen të vlerësohet në ekzekutivin e komunës së Rahovecit mbetet edhe publikimi i urdhëresave të Kryetarit të Komunës si vendime të tij dhe të vlefshme për institucionet dhe banorët e kësaj komune.

Një nga indikatorët më pak të vlerësuar gjatë kësaj periudhe ka qenë azhurimi i “ueb faqes së komunës në gjuhë tjetër zyrtare” ku kemi pak të dhëna duke mos freskuar në mënyrë paralele me gjuhen tjetër zyrtare.



“Transparenca Financiar e Komunës”. Komuna e Rahovecit në transparencën financiare është vlerësuar me 27.3 pikë nga 35 të mundshmet dhe është vlerësuar si shtylla e dytë më transparente në kuadër të katër shtyllave të vlerësuara.

Pikët maksimale ka marr tek “ndryshimet buxhetore të miratuara në Kuvendin e Komunës”, “publikimi në ueb faqen e komunës së raporteve tre mujore financiare si dhe vjetore”, “publikimin e raportit të Auditimit për vitin 2015”, “publikimi i të hyrave vetanke të komunës në baza periodike”, “plani i buxhetit dhe kohëzgjatja e projekteve kapitale” si dhe publikimi i “listës së pronave dhe asteve komunale të dhëna dhe të marra me qira”.

Komuna e Rahovecit gjatë kësaj periudhe ka trajtuar me një muaj vonës raportin financiar në Kuvendin e Komunës si

dhe nuk ka publikuar në kohë të gjitha njoftimet për kontratë dhe dhënie të kontratës paralel me njoftimet në KRRPP.

Komuna e Rahovecit gjatë kësaj periudhe nuk e ka publikuar planin e prokurimit për vitin 2016 në ueb faqen e komunës duke bërë që në këtë indikatorë kjo komunë të vlerësohet me zero (0) pikë të mundshme nga 3 sa edhe është maksimalja për vlerësim në çdo indikatorë.



“Transparenca në Konsultime me Publikun”. Komuna e Rahovecit ka marrë 14.3 pikë nga 35.0 sa është maksimalja. Në këtë gjashtë mujorë në vazhdimësi ka respektuar kriteret ligjore në “njoftimin e publikut për online dhe offline”, “mbajtja e takimeve të rregullta me qytetarë”.

Komuna e Rahovecit është notuar pozitivisht në disa nga indikatorët si “material përcjellëse për qytetarët për dëgjimet publike dhe buxhetore”, “konsolidimi dhe konsultimi i bashkësive lokale” si dhe “organizimi i dëgjimeve publike dhe buxhetore (KAB)”.

Me notë minimale është vlerësuar në katër indikatorë si “raport nga konsultimet publike dhe dëgjimet buxhetore (KAB)”, “hapjen e të dhënave statistikore (OPEN DATA)”, “takimet me organizata e shoqërisë civile” si dhe “listën e hollësishme të ofrimit të shërbimeve nga dikasterët komunal”.


Po ashtu, me zero (0) pikë është vlerësuar në dy indikatorë si “linjë direkte telefonike pa pagesë për qytetarë” si dhe “mungesa e krijimit të një faqe në rrjetin social “Facebook”.

|||||



TRANSPARENCA NË

MALISHEVË (NISMA)



Janar - Qershor 2016

Komuna e Malishevës del të jetë komuna e dytë më transparente, me një nivel të transparencës prej 61.9 %. Institucioni më transparent i Komunës së Malishevës është Kuvendi i Komunës në të cilin kjo komunë është vlerësuar me 24.0 pikë, ndërsa Komuna e Malishevës është më pak transparente në shtyllën e Zyrës së Kryetarit/Ekzekutivit ku është vlerësuar me 20.3 pikë nga 35 pikë sa është maksimalja e vlerësimit.



“Transparenca e Kuvendit të Komunës”. Komuna e Malishevës qëndron mirë në këto fusha: *“takime e seancave të hapura për publik”, “transmetimi i seancave të Kuvendit të Komunës”, “qasja në rregulloret dhe vendimet të Kuvendit të Komunës” si dhe “mbajtja e seancave të rregullta (10 në vit/5 në gjashtë mujorin e parë)”*.

Gjatë kësaj periudhe të vlerësimit të transparencës së Kuvendit të Komunës, ky institucion ka arrite që secila mbledhje e kuvendit të jetë e hapur për publikun si dhe janë përmirësuar kushtet në sallën e kuvendit për pjesëmarrjen e publikut, ka transmetuar direkt seancat e Kuvendit në radio lokale si dhe ka plotësuar obligimin ligjor në mbajtjen e mbledhjeve për këtë gjashtë mujor.

Tek *“qasja në rendin e ditës”, “qasja në draft Rregulloret dhe planet”, “komitetet e hapura për publikun”, “plani i punës së kuvendit për vitin 2016” si dhe “detajet biografike dhe adresat e anëtarëve të Kuvendit të Komunës” janë indikatorë të vlerësuar relativisht mire gjatë kësaj periudhe.*

Gjatë kësaj periudhe, Kuvendi i Komunës ka marrë vendim për diskutim publik të Rregullores komunale për tarifa, gjoba dhe veprimtari komunale dhe e njëjta draft Rregullore ka qene e publikuar në ueb faqen e komunës ku qytetarët kanë pasur mundësi ta konsultojnë dhe të japin sugjerimet e tyre për plotësime eventuale. Megjithatë, Kuvendi i Komunës edhe pas marrjes së vendimit për diskutim publik të Rregullores komunale për mirëmbajtjen e varrezave, e njëjta Rregullore nuk ka qene e publikuar si draft në ueb faqen e komunës gjatë periudhës së organizimit të konsultimeve publike për këtë projekt Rregullore.

Vlerësimet e tilla janë bërë për shkak se gjatë kësaj periudhe qasja në rendin e ditës për mbledhjet e Kuvendit të Komunës ka munguar, materiali përcjellës për pikat e rendit të ditës të parapara të shqyrtohen në mbledhjet e kuvendit të Komunës nuk janë publikuar në ueb faqen e komunës.

Komuna e Malishevës në vazhdimësi ka bërë njoftimet për mbajtjen e mbledhjeve të komiteteve obligative dhe disa komiteteve funksionale të Kuvendit të Komunës megjithatë nuk ka njoftuar për mbledhje e Komisioneve të tjera edhe pse ka një numër të konsiderueshëm të komiteteve të themeluara nga ana e Kuvendit të Komunës.

Plani i Punës së Kuvendit të Komunës së Malishevës për vitin 2016 është miratuar në seancën e dytë të këtij viti mirëpo, plani i till qëndron tek vendimet e Kuvendit e Kuvendit duke bërë që të mos ketë qasje të lehtë për qytetarët dhe palët tjera të interesit. Po ashtu, gjatë kësaj periudhe nuk kem plotësim të mëtejme të



detajeve biografike për anëtarë të Kuvendit të Komunës megjithatë të pasqyruara kanë qenë kontaktet dhe emaili adresat e anëtarëve të Kuvendit të Komunës.

Kuvendi i Komunës së Malishevës në vitin e kaluar kishte marrë vendim që procesverbalet e mbledhjeve të këtij institucioni të publikohen ne ueb faqen e komunës. Edhe përkundër këtij vendimi, Kuvendi i Komunës së Malishevës nuk i ka të pasqyruara procesverbalet e mbledhjeve ne ueb faqen e komunës duke u vlerësuar me pike negative edhe gjate periudhës së parë të këtij viti.



“Transparenca e Ekzekutivit të Komunës”. është vlerësuar me 20.3 pikë nga 35 pikë sa është maksimalja e pikëve. Ekzekutivi i Komunës qëndron mirë në katër nga 11 indikatorë: “zyrtarë për informim & koordinator për qasje në dokumente publike”, “vizita javore të kryetarit për pritjen e qytetarëve”, “raportimi i Kryetarit në Kuvendin e Komunës për gjashtëmuajorin e parë të këtij viti” si dhe “publikimi i konkurseve për punësim dhe kriteret ne ueb-faqe”.

Komuna e Malishevës gjatë kësaj periudhe nuk është vlerësuar maksimalisht në disa indikatorë si: “publikimi i raportit të punës së Kryetarit në ueb faqen e Komunës”, “niveli i kthimit të përgjigjeve për kërkesat për qasje në dokumente publike”, si dhe “detajet biografike dhe kontaktet (numri kontaktues dhe email adresat) ne ueb faqen e komunës”.

Komuna e Malishevës nuk është vlerësuar maksimalisht në këta indikatorë për shkak të vonesës së publikimit të raportit të punës së Kryetarit të Komunës për periudhën e parë të këtij viti. Në fund të muajit korrik, komuna ka publikuar raportet e drejtorive komunale për periudhën janar-qershor 2016 megjithatë disa prej raporteve të drejtorive nuk janë të pasqyruara në ueb faqen e komunës. Po ashtu, KDI në vazhden e matjes së transparencës në raport me kërkesat për qasje në dokumente publike, ka hasur në vonesa të kthimit të përgjigjeve nga ana e Komunës së Malishevës duke mos respektuar afatet për kthim të përgjigjeve në bazë të legjislacionit. Në këtë shtyllë, Komuna e Malishevës është treguar jo-transparente në disa prej indikatorëve vlerësues. “Publikimi i raportit të punës së Kryetarit në ueb faqen komunës”, si dhe “azhurnimin e ueb faqes së komunës në gjuhë tjetër zyrtare”. Në dy nga këta indikatorët vlerësuar, kjo komunë nuk i ka pëmbushur andaj edhe duhet të fokusohet që në gjashtëmuajor e dytë të vitit 2016 të marrë masa në përmirësim të këtyre indikatorëve vlerësues.



“Transparenca Financiar e Komunës”. Në raport me transparencën e Zyrës së Kryetarit, në transparencë financiare kjo komunë është treguar për një nuancë më mirë duke akumuluar 21.0 pikë nga 35 pikë sa është maksimalja.

Pikët maksimale ka marrë tek “ndryshimet buxhetore të miratuara në Kuvendin Komunal”, “publikimi i raportit të shpenzimeve tre mujore në ueb faqen e komunës”, “publikimi listës së pronave dhe asetëve komunale të dhëna dhe të marra me qira”, “publikimi i të hyrave vetanake të komunës në ueb faqen e komunës” si dhe në “njoftimi për kontratë dhe dhënie e kontratave në ueb faqen e komunës”

Komuna e Malishevës është vlerësuar negativisht në këta indikatorë: “borxhi publik komunal (borxh kompanive”, “publikimi i plani të prokurimit të komunës së Malishevës”. Dy nga këta indikatorë janë vlerësuar negativisht për shkak të në këtë periudhë, Komuna e Malishevës nuk ka publikuar në ueb faqen e komunës borxhin publik komunal në baza periodike si dhe nuk ka publikuar planin e prokurimit për vitin 2016.



“Transparenca në Konsultime me Publikun”. Në këtë gjashtë muajor Komuna e Malishevës ka marrë 21.3 pikë nga 35 pikë sa është maksimalja duke bërë përpjekje në përfshirjen e qytetarëve në hartimin e politikave publike. Në këtë periudhe vetën në njërin nga 11 indikatorët vlerësues në këtë shtyllë ka marrë notë negative duke mos arritur të sigurojë një “linjë telefonike pa pagesë për qytetarët”.

Në këtë periudhë më nota maksimale është vlerësuar në këta indikator: “njoftimi online dhe oflline për takimet publike”, “organizimi i takimeve të rregullta me qytetarë”, “organizimi i dëgjimeve publike dhe dëgjimeve buxhetore” si dhe “rifreskimi i ueb faqes së facebook-ut”. Me nota minimale Komuna e Malishevës qëndron në këtë indikatorë: “raport nga konsultimet e publikut dhe dëgjimet buxhetore (KAB)”, “material përcjellës për dëgjimet publike dhe buxhetore”, “konsolidimi dhe konsultimi i bashkësive lokale”, “takimet me organizatat e shoqërisë civile”, “hapja e të dhënave statistikore (open data)” si dhe “listën e hollësishme të shërbimeve që ofron institucioni për publikun”.

Komuna e Malishevës nuk ka arritur të ofrojë raport të detajuar nga mbajtja e organizimeve të konsultimeve të politikave publike me publikun dhe dëgjimet buxhetore. E vetmja informatë në mbajtjen e këtyre konsultimeve dhe dëgjimeve ka qenë informata në ueb faqen e komunës në formë të lajmeve duke mos i arhivuar si raporte apo procesverbalet të këtyre organizimeve.


Komuna e Malishevës po ashtu shume pak i kushton rëndësi ofrimit të materialit të nevojshëm për qytetarët në organizimet e konsultimeve dhe dëgjimeve publike duke mos i publikuar edhe në ueb faqen e komunës draft politikat publike.

Komuna e Malishevës duhet të shtojë përpjekjet maksimale në përmirësimin e indikatorëve kyç sidomos në listën e ofrimit të shërbimeve për secilën drejtori dhe format, procedurat e marrjes së atyre shërbimeve si dhe në publikimin e të dhënave të tjera statistikore për komunën.



TRANSPARENCA NË

PRIZREN (PDK)



Janar - Qershor 2016

Komuna e Prizrenit del të jetë komuna e tretë më transparente, me një nivel të transparencës prej 59.6 %. Institucioni më transparent i Komunës së Prizrenit është shtylla e financave, në të cilin kjo komunë është vlerësuar me 25.0 pikë, ndërsa Komuna e Prizrenit është më pak transparente në shtyllën e Zyrës së Kryetarit/ Ekzekutivit dhe Konsultimeve me publikun ku është vlerësuar me nga 17.7 pikë nga 35 pikë sa është maksimalja e vlerësimit.

Komunës së Prizrenit në publikimin e kontratave me Operatorët Ekonomik dhe të njëjtat kontrata janë ofruar në bazë të kërkesave të parashtruara.

Me nota të mirë është vlerësuar edhe në këta indikatorë si: “diskutimi brenda afateve ligjore në Kuvend të shpenzimeve tre mujore”, “publikimi i listës së pronave dhe aseteve komunale të marra dhe dhëna me qira” si dhe “plani dhe buxheti i projekteve kapitale për vitin 2016”.



“Transparenca Financiar e Komunës”. Komuna e Prizrenit gjatë periudhës vlerësuese të transparencës në këtë shtyllë ka arritur të akumulojë 25.0 pikë nga 35 pikë sa është maksimalja dhe vlerësuar në 11 indikatorë bazik.

Minimalisht është vlerësuar në vetëm në një indikatorë tek “publikimi i planit të prokurimit për vitin 2016”. Komuna e Prizrenit është vlerësuar kështu për arsye se nuk e ka publikuar planin e prokurimit për vitin 2016 në ueb faqen e komunës mirëpo Kuvendi i Komunës në njërin nga seancat e vitit 2016 ka shqyrtuar planin e till i ofruar nga Zyra e Prokurimit duke krijuar një praktikë të re në përpjekjet për transparencë më të madhe në prokurimin publikë karshi Kuvendit të Komunës.

Sipas të dhënave të mbledhura për këtë hulumtim, vlerësimin më të lartë ka marr tek “ndryshimet buxhetore të miratuara në Kuvendin e Komunës”, “raporti i shpenzimeve tre mujore të publikuara në ueb faqen e komunës”, “publikimi i të hyrave vetanake të komunës”, “publikimi i njoftimeve për kontratë dhe për dhënien e kontratës në ueb faqen e komunës” si dhe “publikimi i kontratave”

Ndërsa mungesë të transparencës Komuna e Prizrenit ka treguar tek “mos publikimi i borxhit publikë komunal në ueb faqen e komunës” si dhe “mos publikimin e raportit të auditimit të jashtëm për vitin 2015 në ueb faqen zyrtare të komunës”.

Në gjithë këta indikatorë, Komuna e Prizrenit është vlerësuar maksimalisht për faktin e respektimit të afateve dhe procedurave për ardhjen në kuvend të ndryshimeve buxhetore (rishikimi i buxhetit) edhe përkundër mos miratimit të tij në Kuvend, si dhe ka respektuar legjislacionin bazë në publikimin e raporteve tre mujore financiare. Gjatë kësaj periudhe, KDI ka testuar gatishmërinë e



“Transparenca e Ekzekutivit”. Transparenca e Ekzekutivit është vlerësuar me 17.7 nga 35 pikë maksimale. Ekzekutivi i



komunës është vlerësuar me notë maksimale vetëm në 2 nga 11 indikatorët e kësaj shtylle si: *“vendimet e kryetarit të Komunës”* si dhe *“zyrtarë për informim dhe koordinim për qasje në dokumente publike”*. Po ashtu, 5 nga 11 indikatorët është vlerësuar me notë të mirë megjithatë nuk ka qenë plotësisht transparente në këtë gjashtëmujorë. *“niveli i kthimit të përgjigjeve për qasje në dokumente publike”, “publikimi i planeve urbanistike të komunës”, “detajet biografike të Kryetarit dhe Drejtorëve të drejtorive komunale”* si dhe *“ueb faqja e azhuruar në gjuhë tjera zyrtare”*.

Gjatë kësaj periudhe, komuna e Prizrenit në kërkesat për qasje në dokumente publike nuk ka respektuar afatet ligjore në kthimin e përgjigjeve duke u vonuar dhe shkaktuar vonesa si dhe në një rast të caktuar nuk ka kthyer përgjigje fare.

Ekzekutivi i Komunës së Prizrenit është vlerësuar negativisht në 3 nga 11 indikatorët e kësaj shtylle. Gjatë kësaj periudhe ekzekutivi i komunës nuk kishte të publikuar raportin e punës së Kryetarit të Komunës për vitin 2016, nuk janë praktikuar dhe vendosur për një ditë të caktuar të presin qytetarët dhe palët tjera të interesit si dhe Kryetari i Komunës nuk ka raportuar në Kuvend për punën e tij gjashtëmujore. Me notë minimale në këtë periudhë, zyra e kryetarit është vlerësuar në indikatorin e publikimit të raportit të punës në ueb faqen e komunës për periudhën gjashtë mujore. Vetëm disa nga drejtorit komunale të ekzekutivit të komunës kanë të publikuar raportet e punës për periudhën janar-qershor 2016 duke bërë që puna e qeveris lokale në baza periodike të jetë fare pak transparente.



“Transparenca e Kuvendit të Komunës”. Është shtylla e dytë me nivel më të lartë të transparencës pas transparencës financiare me 23.0 pikë nga 35 sa është maksimalja e pikëve. Komuna e Prizrenit qëndron mirë në këto fusha: *“takime e seancave të hapura për publik”, “transmetimi i drejtpërdrejt i seancave të kuvendit të komunës”, “numri i mbajtjes së seancave të rregullta sipas legjislacionit”, “publikimi i planit të punës së Kuvendit të Komunës për vitin 2016 në ueb faqen e komunës”* si dhe *“publikimi i planit të veprimt për transparencë”*.

Gjatë kësaj periudhe 2 nga 11 indikatorët vlerësues ka marrë nota të mira në *“qasja në rendin e ditës për mbledhjet e kuvendit të komunës”* si dhe *“qasja në rregulloret komunale dhe vendimet”*. Këtë vlerësim ka arritur për shkak të njoftimeve me kohë për mbajtjen e mbledhjeve të kuvendit të komunës si dhe njoftimi për pikat e rendit të ditës megjithatë është vërejtur edhe lëshime në kuadër të njoftimit për mbajtjen e mbledhjeve të kuvendit të komunës duke mos respektuar legjislacionin bazë. Po ashtu, Kuvendi i Komunës është treguar transparent sa i përket publikimit të vendimeve të këtij institucioni mirëpo disa nga rregulloret e miratuara në këtë institucion nuk kanë qenë të publikuara në ueb faqen e komunës së Prizrenit.

Me nota minimale, Kuvendi i Komunës është vlerësuar në tre indikatorët bazë, tek: *“qasja në draft rregulloret komunale dhe planet”, “komitetet e hapura për publikun”* si dhe *“detajet biografike dhe email adresat e anëtarëve të kuvendit”*.

Gjatë kësaj periudhe, vetëm dy nga draft rregulloret komunale të miratuara kanë qenë të publikuara si drafte në ueb faqen e komunës gjatë shqyrtimit të tyre në debate publike. Një e metë tjetër dhe jo transparente në shtyllën e Kuvendit të Komunës mbetet edhe mungesa e gatishmërisë për transparencë më të madhe të punës së Komiteteve dhe Komisioneve të themeluara nga ky institucion.

Pos në njoftimet për mbajtjen e mbledhjes së Komitetit për Politikë dhe Financa si dhe kohë pas kohe të Komitetit për Komunitete dhe KKSB-së, transparenca e punës së komiteteve apo komisioneve tjera ka munguar dhe në asnjë rast nuk ka pasur njoftime për kohën dhe rendin e ditës për këto mekanizma të Kuvendit.

Kuvendi i Komunës së Prizrenit ka treguar mos transparencë totale vetëm në një nga 11 indikatorët. Deri më tani asnjë nga procesverbalet e mbledhjeve të Kuvendit të Komunës gjatë periudhës janar-qershor 2016 nuk kanë qenë të pasqyruara në ueb faqen e komunës.



“Transparenca në Konsultime me Publikun”. Kjo komunë ka marrë 17.7 pikë nga 35.0 pikë të mundshme. Komuna e Prizrenit, ka mbajtur *“takimet e rregullta me qytetarët”, “njoftimet online dhe offline për takimet publike”* duke u vlerësuar maksimalisht në këtë periudhë.

Komuna e Prizrenit është vlerësuar mire po ashtu në organizimin e konsultimeve publike ku gjatë kësaj periudhe ka organizuar debat me qytetarë për konsultimin e dy rregulloreve komunale. Megjithatë, Komuna e Prizrenit nuk e ka diskutuar Komizën Afatmesme Buxhetore 2017-2019 me qytetarët para dërgimit në Kuvendin e Komunës për miratim potencial.

Me nota minimale në këtë shtyllë janë vlerësuar 4 nga 11 indikatorët bazë, tek: *“konsolidimi dhe konsultimi i bashkësive lokale”, “hapja e të dhënave statistikore (open data)”, “listën e hollësishme të shërbimeve që ofron institucioni për publikun”* si dhe *nuk ka organizuar takime me organizatat e Shoqërisë Civile*.

Dy nga indikatorët vlerësuar në këtë shtyllë janë vlerësuar negativisht për shkak se komuna e Prizrenit nuk ka filluar të praktikojë mbajtjen e raporteve apo procesverbaleve gjatë organizimit të konsultimeve për politikë publike dhe dëgjimet buxhetore. Po ashtu, edhe në këtë gjashtë mujorë të këtij viti, komuna e Prizrenit nuk ka arritur të këtë një linjë telefonike pa pagesë për qytetarët e saj.



TRANSPARENCA NË

SUHAREKË (LDK)

19.7
PIKËT MESATARE

Janar - Qershor 2016



18.3

Kuvendi i
Komunës



12.7

Ekzekutivi



27.7

Financa



20.0

Konsultime

Komuna e Suharekës del të jetë komuna e katërt më transparente në kuadër të komunave të regjionit të Prizrenit me 56.2 % të nivelit të përgjigjëm bazuar në 44 indikatorë.



“Transparenca e Kuvendit të Komunës”. Komuna e Suharekës është vlerësuar me 18.3 pikë nga 35 sa edhe është maksimumi i pikëve. Në këtë shtyllë, Komuna e Suharekës qëndron mirë në *“seancat e hapura për publikun”*, *“transmetimi i drejtpërdrejt i seancave të kuvendit”*, *“qasja në procesverbalet e mbledhjeve të Kuvendit”*, si dhe *“mbajtja e seancave të rregullta sipas legjilacionit në fuqi”*.

Gjatë kësaj periudhe komuna e Suharekës në njërin nga mbledhjet e parapara të Kuvendit të Komunës, nuk ka njoftuar në ueb faqen e komunës duke mos respektuar legjislacionin në fuqi që detyron komunat të kenë njoftimin në ueb faqen e komunës si dhe pikat e rendit të ditës për mbajtjen e mbledhjeve të Kuvendit të Komunës. Megjithatë, pos njëres nga seancat që nuk ka respektuar, në seancat tjera të mbajtura në këtë periudhë ka respektuar afatet e njoftimit të publikut dhe pasqyrimin e pikave të rendit të ditës si dhe ka publikuar materialet përcjellëse për secilën pikë të rendit të ditës.

Një nga indikatorët që është vlerësuar me pikë minimale mbetet *“hapja e komiteve për publikun”*. Kuvendit

di i Komunës së Suharekës edhe në këtë gjashtë muaj ka vazhduar me mungesë të transparencës së punës së Komiteteve duke mos njoftuar me rregull për mbajtjen e mbledhjeve të këtyre mekanizmave pos të mbledhjes së Komitetit për Politik dhe Financa dhe Këshillit Komunal për Siguri në Bashkësi (KKSB) si dhe njoftimi për pasqyrimin e trajtimit të çështjeve në kuadër të mbledhjeve.

Tek *“qasja në draft Rregulloret dhe planet”*, *“qasja në Rregulloret dhe vendimet e kuvendit të komunës”* si dhe *“publikimin e planit të punës së Kuvendit për vitin 2016”*, Kuvendi i Komunës së Suharekës nuk ka marrë asnjë notë të mundshme.



“Transparenca e Ekzekutivit”. Nga 35 sa edhe është maksimumi i pikëve, me 12.7 pikë është vlerësuar transparenca e ekzekutivit të Komunës së Suharekës dhe nga të dhënat finale del që edhe në këtë gjashtë muaj të vitit 2016, ekzekutivi i komunës qëndron me dobët në raport me transparencën e Kuvendit të Komunës.

Ekzekutivi i komunës është vlerësuar në këtë mënyrë pasi që nuk ka publikuar në ueb faqe *“raportin gjashtë-mujor të Punës”*, nuk ka *“raportuar Kryetari në Kuvend (2 herë në vit)”*, nuk ka *“publikuar Planin e punës së Kryetarit të Komunës për vitin 2016”* si dhe *“nuk i ka pasqyruar vendimet e Kryetarit të Komunës”* gjatë kësaj periudhe.



Komuna e Suharekës qëndron mirë në katër (4) indikatorë: “Zyrtarë për informim & Koordinim. për qasje në dokumente publike”, “niveli i kthimit të përgjigjeve në kërkesat për qasje në dokumente publike”, “praktikimi i një ditë të veçantë për pranimin e vizitave për qytetarë”, “konkurset për punësim dhe kriteret në ueb-faqe”, “detajet biografike të Kryetarit/es dhe Drejtorëve (Emal adresa), si dhe “Planë Zhvillimore të Komunës (PZHU) & Planë Urbanë të Komunës”.



“Transparenca Financiar e Komunës”. Komuna e Suharekës në transparencën financiare është vlerësuar me 27.7 pikë nga 35 të mundshmet dhe mbetet njëra ndër komunat me më shumë transparencë në këtë fushë në krahasim me komunat tjera të regjionit të Prizrenit.

Gjatë kësaj periudhe, Komuna e Suharekës është vlerësuar me pikë maksimale në 6 nga 11 indikatorët vlerësues për këtë shtyllë dhe mbetet një nga shtyllat më transparente gjatë kësaj periudhe bazuar në indikatorët matës për këtë fushë. Komuna e Suharekës po ashtu mbetet komuna e vetme e cila e ka publikuar planin e prokurimit për vitin 2016 në ueb faqen e komunës.

“Ndryshimet buxhetore të miratuara në Kuvendin e Komunës”, “publikimi i raportit tre mujor financiar në ueb faqen e komunës”, “diskutimi i raporteve tre mujore financiare brenda afateve ligjore në Kuvendin e Komunës”, “publikimi i listave të pronave dhe asetëve komunale të dhëna dhe të marra me qira”, “publikim i planit të prokurimit”.

Komuna e Suharekës dobët qëndron tek publikimin e “borxhit publik komunal (borxh kompanive) publikimi në ueb faqe të “njoftimeve për kontratë dhe dhënien e kontratave” nga aktivitetet e prokurimit publik të kësaj komune.



Transparenca në Konsultime me Publikun”. Kjo komunë ka marrë 20.0 pikë nga 35.0 sa është maksimalja. Komuna e Suharekës në këtë gjashtë mujorë në vazhdimësi ka respektuar kriteret ligjore në njoftimin e publikut online dhe offline, mbajtja e takimeve të rregullta me qytetarë, organizimi i dëgjimeve publike për politikë publike dhe dëgjimet buxhetore si dhe ka ri freskuar në vazhdimësi faqen e facebook-ut.

Komuna e Suharekës ishte në nivel të njoftimit të publikut për organizimin e takimeve dhe dëgjimeve për politikë lokale. Kryetari i Komunës së Suharekës ka mbajtur takimin e rregullt me qytetarë sipas legjislacionit në fuqi.

Komuna e Suharekës në 4 nga 11 indikatorët e vlerësuar në këtë shtyllë ka marrë notë minimale duke mos arritur përmirësime të dukshme në përfshirjen e qytetarëve në vendimmarrjen lokale. Nga këto indikatorë që ka çaluar komuna e Suharekës janë: “mbajtja e raporteve nga organizimet e konsultimeve dhe dëgjimeve për politikë publike”, “material përcjellës për qytetarët nga organizimet dhe dëgjimet për politikë publike”, “hapja e të dhënëve statistikore (open data)” si dhe “mungesa e organizimeve të takimeve nga ana e komunës me organizatat e shoqërisë civile”.

Komuna e Suharekës qëndron negativisht në “linjë telefonike direkt pa pagesë për qytetarët dhe “listën e ofrimit të shërbimeve dhe procedurat e marrjes së tyre nga institucioni”. Komuna e Suharekës edhe gjatë periudhës së parë të vitit 2016 nuk ka arritur të sigurojë një linjë telefonike pa pagesë duke pa mundur qytetarëve të saj qasje më të lehtë në institucionet e tyre. Po ashtu, komuna e Suharekës duhet të shtojë përpjekjet e saj në përshkrimin e hollësishëm për çdo dikaster se cilat nga shërbimet ofrohen dhe forma, mënyra dhe procedura e tërësishme në marrjen e këtyre shërbimeve.



TRANSPARENCA NË

DRAGASH (PDK)

18.9
PIKËT MESATARE

Janar - Qershor 2016

18.3




Kuvendi i Komunës

14.3



Ekzekutivi

26.0



Financa

17.0



Konsultime

Përkundër përmirësimit të vazhdueshëm të transparencës, Komuna e Dragashit vazhdon të jetë komuna e pestë më transparente në kuadër të komunave të regjionit të Prizrenit me 54.0 % të nivelit të përgjithshëm bazuar në 44 indikatorë.



“Transparenca e Kuvendit të Komunës”. Komuna e Dragashit është vlerësuar me 18.9 pikë nga 35.0 sa edhe është maksimumi i pikëve. Në këtë shtyllë, Komuna e Dragashit qëndron mirë vetëm në indikatorët: *“seancat e hapura për publikun”*, *“transmetimi i seancave”*, si dhe *“mbajtjen e seancave të rregullta”*. Në këta indikatorë vlerësues, Kuvendi i Komunës është notuar me pikët maksimale të vlerësimit.

Transparenca e Kuvendit të Komunës vazhdon të jetë e mbyllur në disa prej indikatorëve vlerësues duke mos arritur të publikojë planin e punës së Kuvendit të Komunës si dhe planin e veprimit për transparencë për vitin 2016. Komuna e Dragashit duhet të bëjë publike planin e punës së Kuvendit të Komunës dhe mbi gjitha duhet të bëjë publike dhe të qasshme për qytetarët dhe palët tjera të interesit planin vjetor për transparencë të institucioneve lokale të komunës së Dragashit (ekzekutiv dhe legjislativ).

Në disa prej indikatorëve vlerësues, shtylla e kuvendit të komunës ka marrë nota pozitive duke arrit të jetë transparente në *“qasjen e publikut në draftet e rregulloreve dhe*

planeve”, *“qasja në rregullore dhe vendime”* si dhe *“qasjen në rendin e ditës”*. Megjithatë edhe në këta indikatorë ka pasur vonesa të konsiderueshme në publikimin e tyre.

Kuvendi i Komunës së Dragashit vazhdon të mos jetë transparent me publikun në disa prej indikatorëve si *“qasja në procesverbale”*, *“qasja e publikut në komitetet e Kuvendit të Komunës”* si dhe mungesa e pasqyrimit të *“detajeve biografike dhe emal adresat e anëtarëve të Kuvendit të Komunës”*.

Kuvendi i Komunës duhet të shtojë përpjekjet në përmirësimin e këtyre indikatorëve sidomos në transparencën dhe përfshirjen e publikut në punën e komiteteve dhe komisioneve të Kuvendit të Komunës. Në këtë gjashtëmuor të këtij viti, në vazhdimësi kanë munguar njoftimet e publikut për mbajtjen e mbledhjeve të komiteteve të Kuvendit duke mos respektuar legjisllacionin në fuqi për njoftimet përkitazi të mbledhjeve në ueb faqen e komunës.



“Transparenca e Ekzekutivit”. Nga 35 sa edhe është maksimumi i pikëve, me 14.3 pikë është vlerësuar transparenca e ekzekutivit të Komunës së Dragashit, dhe në raport me tri shtyllat tjera qëndron me dobët.

Ekzekutivi i komunës, me notë maksimale është vlerësuar vetëm në një indikatorë, *“raportimi i kryetarit para kuvendit*





REKOMANDIMET

KOMUNA E RAHOVECIT

- **Kuvendi i Komunës të hapet për publik:** Kuvendi i Komunës duhet të publikojë në ueb-faqe të gjitha procesverbalet e mbledhjeve të Kuvendit në mënyrë që qytetarët të kenë qasje në to.
- **Zyra e Kryetarit:** Kryetari i Komunës duhet të publikojë në ueb-faqe planin vjetor të punës dhe raportin gjatë-mujor të punës.
- **Transparenca Financiare:** Zyra e kryetarit të Komunës duhet të publikojë në ueb-faqe planin vjetor të prokurimit.
- **Transparenca në Konsultime me Publikun:** Ekzekutivi i komunës së Rahovecit duhet që të ketë një linjë telefonike direkte gratis.

KOMUNA E MALISHEVËS

- **Kuvendi i Komunës të hapet për publik:** Kuvendi i Komunës duhet të publikojë në ueb-faqe të gjitha procesverbalet e Kuvendit.
- **Zyra e Kryetarit:** Kryetari i Komunës duhet të publikojë në ueb-faqe planin vjetor të punës.
- **Transparenca Financiare:** Zyra e Kryetarit duhet të publikojë në ueb-faqe borxhin publik Komunal si dhe planin e Prokurimit.
- **Linjë Telefonike direkte gratis:** Komuna e Malishevës të mundëoj linjë telefonike direkte pa pagesë për qytetarët e saj.

KOMUNA E PRIZRENIT

- **Kuvendi i Komunës të hapet për publik:** Kuvendi i Komunës duhet të publikojë në ueb-faqe të gjitha procesverbalet e Kuvendit.
- **Takime javore me qytetarë:** Kryetari i Komunës duhet ta rezervojë një ditë në javë për vizita me qytetarë që kanë kërkesa dhe propozime për komunën e tyre.
- **Zyra e Kryetarit:** Të raportojë para anëtarëve të Kuvendit për situatën socio-ekonomike dhe për buxhet (raport pune, 2 herë në vit sipas legjislacionit në fuqi)
- **Transparenca e shpenzimeve komunale:** Zyra e Kryetarit duhet të publikojë në ueb-faqe borxhin publik komunal, Raportin e Auditorit të Përgjithshëm, borgjet e ndërmarrjeve komunale.
- **Komuna e Prizrenit** duhet që të mbajë raporte të rregullta nga konsultimet me publikun dhe dëgjimet buxhetore (KAB), si dhe ta publikojë atë në ueb-faqën zyrtare të komunës.

- **Linjë telefonike direkte gratis:** Komuna duhet të ketë një linjë direkte në të cilin qytetarët mund të kontaktojnë me komunën.





KOMUNA E SUHAREKËS

- **Kuvendi i Komunës** së Suharekës duhet ta marrë seriozisht publikimin në ueb-faqe të draft Rregulloreve dhe Planeve, Rregullorëve komunale dhe Vendimev, në mënyrë që tu mundësojë qasje sa më të lehtë qytetarëve, si dhe duhet ta publikojë planin vjetor të punës së Kuvendit.
- **Raportoj aktivitetin gjashtë-mujor:** Zyra e Kryetarit duhet të raportoj para Kuvendit të Komunës raportin e punës në baza gjashtë mujore.
- **Zyra e Kryetarit:** të bëjë publikimin në ueb-faqe të komuës planin e punës dhe publikimin e vendimeve të Kryetarit.
- **Transparenca Financiare** – Zyra e Kryetarit duhet të publikojë në ueb-faqe Borxhin Publik Komunal.
- **Të publikohen** njoftimet për kontratë dhe për dhënie e kontratës në aktivitetet e prokurimit.
- **Linjë Telefonike direkte gratis:** Komuna e Suharekës të mundëoj linjë telefonike direkte pa pagesë për qytetarët e saj.
- **Komuna e Suharekës** duhet të publikojë në ueb-faqën e sajë listën e shërbimeve që ofrojnë drejtorit komunale, formën, mënyrën dhe procedurat e marrjes së shërbimeve nga qytetarët.

KOMUNA E DRAGASHIT

- **Qasja në procesverbale.** Transparenca e punës së Kuvendit të Komunës duhet të rritet përmes publikimit të procesverbaleve të mbledhjeve të Kuvendit.
- **Kuvendi i Komunës** duhet që të publikojë në ueb-faqe edhe planin vjetor të punës.
- **Detajet biografike dhe kontaktet e anëtarëve të Kuvendit:** Kuvendi i Komunës duhet të bëjë publike detajet biografike dhe të dhënat kontaktuese të anëtarëve të Kuvendit.
- **Regrutimi i Zyrtarit për Informim:** Kryetari i Komunës së Dragashit duhet të fillojë procedurat e regrutimit të Zyrtarit për Informim, me qëllim të plotësimit të kësaj pozite
- **Publikimi i aktivitetit gjashtë-mujor:** Zyra e Kryetarit duhet të publikojë raportet gjashtë-mujor të punës së kryetarit në ueb-faqe, palanin vjetor të punës.
- **Transparenca financiare:** Transparenca financiare duhet të rritet ndeshëm pasi që Zyra e Kryetarit duhet ta publikojë në ueb-faqe borxhin publik komunal dhe planin e prokurimit.
- **Transparenca në Konsultime me Publikun:** Komuna e Dragashit në vazhdimësi duhet të paraqesë raport nga konsultimet me publikun dhe dëgjimet buxhetore dhe të njejtin ta publikojë në ueb-faqën zyrtare të komunës.
- **Linjë Telefonike direkte gratis:** Komuna e Dragashit të mundëoj linjë telefonike direkte pa pagesë për qytetarët e saj.
- **Komuna,** duhet të marrë masa për hapjen e një llogarie të ueb faqes së komunës në rrjetin social të Facebook-ut.



KOMUNA E MAMUSHËS

- **Transparenca e Kuvendit Komunal:** Komuna e Mamushës duhet që të shikojë mundësit për transmetim të drejtëpërdrejt të seancave të Kuvendit, në mënyrë që të informohet opinioni publik për punën e të zgjedhurve të tyre.
- **Kuvendi i Komunës më i qasshëm në ueb:** Kuvendi i Komunës duhet të publikojë në ueb-faqën zyrtare të komunës planin e punës së Kuvendit, draft-rregulloret, vendimet, planin e veprimit për transparencë, procesverbalet e mbledhjeve si dhe të gjitha detajet biografike të anëtarëve të Kuvendit si dhe e-mail adresat e tyre.
- **Transparenca e Ekzekutivit të Komunës:** Zyra e Kryetarit: Kryetari i Komunës duhet të publikojë në ueb-faqe raportin gjatë-mujor të punës si dhe të raportojë para Kuvendit në baza gjashtë mujore, të publikojë raportet për konsultime me publikun dhe dëgjimet buxhetore, planet zhvillimore të komunës dhe *Plani Urban i Komunës*; po ashtu kryetari i komunës duhet që ta caktojë një ditë në javë për të takuar qytetarët, si dhe të publikohen në ueb-faqe konkurs për punësim si dhe kriteret.
- **Transparenca financiare:** Komuna duhet të publikojë raportet tre-mujore të shpenzimeve, raportet për ndërmarrje komunale, rajonale, të hyrat vetanake të komunës dhe si dhe listat e pronave në pronësi të komunës si dhe ato të marra me qira për Komunën.
- **Publikimi i dokumenteve për transparencë:** Zyra e Kryetarit duhet të publikojë në ueb-faqe planin e Prokurimit, njoftimet për kontrata dhe dhënien e kontratave, të bëjë publikimin e Raportit të Auditorit si dhe të bëhen publike në ueb-faqe.
- **Komuna e Mamushës** duhet që të mbajë raporte të rregullta nga konsultimet me publikun dhe dëgjimet buxhetore (KAB), si dhe ta publikojë atë në ueb-faqën zyrtare të komunës.
- **Publikimi i raporteve nga konsultimet publike:** Komuna e Mamushës po ashtu duhet të praktikojë mbajtjen e procesverbaleve nga takimet dhe konsultimet publike, të shpërndajë materiale përcjellëse, të publikojë draft-buxhetin e komunës në ueb-faqen e komunës
- **Komuna e Mamushës,** duhet që të publikojë në ueb-faqën e saj edhe të dhëna të tjera të rëndësishme për komunën OPEN-DATA, të ketë një linjë direkte për brengat e qytetarëve. Të publikojë listën e hollësishme për shërbimet që ofron komuna për qytetarët e sajë,

Katalogimi në botim – **(CIP)**
Biblioteka Kombëtare e Kosovës “Pjetër Bogdani”

352(496.51)”2016”

Transparometri komunal: Prizren, Suharekë, Rahovec, Malishevë,
Dragash, Mamushë: janar-qershor 2016 / Instituti Demokratik i
Kosovës. – Prishtinë: KDI, 2016. – 20 f. iustr.; 28 cm.
1.Cahanaj, Naim 2.Hoxha,Arben

ISBN 978-9951-8927-7-3

KDI është Organizatë Joqeveritare (OJQ) e angazhuar të mbështesë zhvillimin e demokracisë përmes përfshirjes së qytetarëve në bërjen e politikave publike dhe fuqizimin e sektorit të shoqërisë civile me synimin për të ndikuar në rritjen e transparencës dhe llogaridhënies nga ana e institucioneve publike.

Për më shumë informata rreth KDI ju lutem vizitoni www.kdi-kosova.org

Me përkrahjen financiare të:



This publication is part of the project **Civic Involvement for Transparency and Accountability**, implemented by **Kosova Democratic Institute**, financed by Olof Palme International Center supported by Swedish Government. Content of this publication reflects author's opinions and not necessarily Olof Palme International Center opinions.

